

中华全国图书馆

文献缩微中心



山西省图书馆 摄制

1989

原件收藏

# 山西省图书馆

原件书号

24576-91

原件状况

原件有部分有污迹

原件有部分字迹模糊

原件个别地方破损

[光緒]平定州志十六卷首一卷

(清)賴昌期張彬等纂修

清光緒八年刻本

十六册

部书共摄制 2 卷

①首一卷卷一至卷八  
②卷九至卷十六

版权所有 不准复印

# 本部书开始

本片卷含：首一卷卷一至卷八



山西省立圖書館

(24536)

重修平定州志序



周禮小史掌邦國之志  
志也者萃一邦之文獻備  
帝使之輜軒著往哲之儀型啟  
後人之觀感所以昭信而

請愛護此書發勿令拆毀  
山西立圖書博物館



山西省立圖書館

山西省立圖書館

垂遠者也平定為晉東雄  
鎮自古稱名勝區山水嶽  
奇人文代振州志自前明  
紳士延君創始繼修於王  
公祖庚又繼修於陶公

易蔡公廷弼金公明源簡  
括詳明洵稱善本然自  
金公續修之後迄今幾  
及百年矣光緒己卯

威毅伯曾大中丞撫晉以

通志歲久失修奏達於

朝奉

命纂輯後檄各府州縣方自  
為書前牧賴公昌期招集  
紳儒經營其事庚辰夏

余莅斯土見諸紳採訪者  
不辭勞瘁握槩者不避  
媿疑知能相與以有成也

舊志以州為綱而孟壽樂  
三縣隸焉今孟壽陽為

志其志樂平改鄉已久  
其人物事蹟則仍附於  
州遵憲檄也因與諸紳  
分別翦裁重加攷訂其間  
沿革賦役建置形勝之

同於前者悉仍其舊而於  
士大夫之仁風善政節誼  
文章以及閭里之孝子貞  
媛耆儒碩德則必闡出  
揚隱撫拾無遺將使百



平定州志  
年未文獻足徵輻軒足  
採前徽足繼後哲足師  
所謂昭信而垂遠者其  
庶幾手雖然識若龍門  
尚求彙實才以彪固不

州牧金明源原叙

平定之爲直隸州計六十餘年志再修矣所屬三  
縣不與焉前之人豈無見于此歟辟之作室然一  
人而作一室規模既約增損亦易彙眾室而爲一  
取材有多寡營度有先後未有不定其規模而從  
事者州猶室之有堂三縣其廊廡也分之則各爲  
一區合之統歸于一室要使其合也可以按籍而  
知其分也亦可依類而得事之繁簡不同地之  
易大小又異非兼總而條貫之則無以盡其

室有不完矣故知其難也非特此也平定始于宋而誤爲唐之平州樂平晉郡而訛爲漢壽陽本邑而混于郡其人物事蹟妄相稱引強非其有者殆不可悉數是則鑿空構虛以自爲能而已奚以視後之人乎于是又知考核之難也始署州事蔡君倡爲之草創未就余蒞任後乃取州縣之志分門別目以州爲綱而縣從之其事之同者詳于州而略于縣其異者則各載于其下刪其繁蕪正其誤謬成書十卷非敢謂前之所難今之所易也聊以補前志所未備而無貽作室者之羞則幾矣

學政戴衢亨原叙

乾隆四十九年甲辰余奉

命視學山右乙巳春按試平定閱所呈州志尚未繫直  
隸所屬樂平孟縣壽陽三邑各自爲志不復採入  
其間別類分門不無舛錯而近事闕焉因語署知  
州事蔡公曰平定于晉爲要區士習文風頗近滄  
正而志闕不修是守土者之事也蔡公欣然任之  
事未歲蔡公調任朔州繼任金公復踵修之不匝  
歲而書成金公郵寄其稿以來且旬余序覽其攷

據明確詳於舊志而部署亦較嚴整者於作者  
之林焉予維作史之難莫難於志今

國家幅員廣遠作述明備自直省以及州縣靡不有  
志平定東踞井陘西鄰太原南極遼陽北帶雁門  
爲京師之右背全晉之咽喉我

世宗憲皇帝御極之二年卽升爲直隸不列散州誠以其  
地緊望任綦重也官斯土者考其戶口井疆措之  
治理行見政通人和風淳俗美然則是編也非卽  
古之職方訓方刑方之遺意也歟

州牧蔡廷弼原叙

考之周禮掌邦國之志有小史掌四方之志有外  
史掌天下之志有職方氏凡山川人物風土政治  
無不散見于一區行人采之上貢于天子太宰弊  
其得失而殿最焉平定當燕趙秦蜀之衝爲全晉  
襟喉差使絡繹泣茲土者朝夕倥偬不暇何有于  
志是以世遠年湮其故實多泯沒無考自明汝南  
宋公謀諸州士延論倣緝舊聞聊備梗槩始成一  
志垂百餘年紀載闕如後有雲間王公祖庚重修

殘闕未備繼則文登陶公易謀欲大加採輯旋陞  
去任遺稿更多僞亂余甲辰冬自岢嵐奉委來平  
越明年春

學憲戴公來州歲試謂余曰平定爲山右文物之  
區顧志乘鄙瑣隨摘數端俱切要害命余細加檢  
閱重修余爰會集州中紳士較議俱以爲然就所  
簽出諸條詳請各憲詳覈方欲肇端旋接金公蒞  
任余復調移朔州不能就緒方慮供億剗剔之費  
甚繁恐成空舉乃賢牧伯金公慨然爲己任不數  
月已聞志事告成余旣服其敏羨又幸一州山川  
人物風土政治數百年來前此之闕而未詳者于  
茲大備得以仰副

學憲重修之命而不虛于始事之請也因記始末  
附諸簡端

州牧姚學瑛舊叙

屠維赤奮若之夏余自沁州移署平定見夫雉堞  
之雄壯人士之會萃左則固關之天險右則冠嶺  
之地靈形勝險隘真令余覽不及遍竊謂於此而  
辨星野溯沿革考土風列選舉觀人文廣摭博採  
所以備稽攷而徵文獻者胥於志是賴而悔軒陶  
刺史適以舊志未詳重爲刪訂四閱月而藁脫卽  
已陞任淮安行將載書冊以去矣因手出一編謂  
余曰是州志也是本廷志王志酌劑而損益者盡

爲我付梓人余瀏覽周環頗微矜慎重念我  
國家聲教覃敷山陬海澨無所不到平定雖中處萬  
山而地稱神臯要郡爲陶唐故封其俗儉而齋猶  
有淳古之遺也其士秀而文猶有禮義之選也其  
冠蓋相望則科第之蟬聯也其衡宇相接則生齒  
之繁衍也兼以孝子忠臣烈女義士後先輝映炳  
炳麟麟其維繫乎世道人心者得於州志窺全豹  
而向之不及遍者一披覽而歷歷如繪焉余雖覽  
爲承乏敢以一官廛舍任其散佚而無稽哉爰就  
前刺史之抄而存者次第排纘間以已意爲刪訂  
急付剞劂續其有志竟成之緒而出數言以弁諸  
簡首

州牧陶易舊序

平定爲冀州分野自虞舜分置并州厥後復改冀州又置并州又改司州恆州廢興沿革不一其代左傳昭公元年遷實沈於大夏定公四年命以康誥而分於夏墟杜氏以太原晉陽當之其後三晉爭雄幅員日擴而平定千山峯嶽更爲三晉雄鎮井陘西南太原東北重以固關爲鎖鑰誠入晉一扼要區也舊志撰自前明延公採摭過多鮮所持擇華亭王氏復加刪訂矜慎之至轉得麤獍余守



是邦六載矣闢講舍探泉源修泮宮坊新天衢闢  
拓龍神後殿朔始落成次第畢舉而於志獨迂久  
未輯非敢緩也馬端臨不云乎志非老於典故者  
不能余家鮮異書宦無優日徒以餽飭典核自誇  
淹博不惟懶祭貽譏抑亦疥駝是誦然既備官茲  
士而於山川之形勝人物之流傳暨一切制度典  
章闕焉弗講又非服古者所宜出此爰就公暇餘  
閒爨積見聞泄筆以記剛繁補簡日與龔友卯君  
共研究雖不敢謂盡悉舊事而於慎而不漏該而  
不侈之意競競矣書成將付剞劂氏復荷

天子恩命擢守淮安倉猝就道僅抄存而插諸架是一  
未竟緒矣後之君子瞿然於有志竟成弗嗤踈妄  
梓而行之亦同一斯文有感意也是爲序

冀甯道徐浩舊序

晉陽爲寰宇要地東西距八百八十里南北距一千六百二十里古昔帝王建都於此歷歷可考上艾隸於太原山環水繞自古迄今咸以衝繁目之代匱茲土蓋憂憂乎其難也平定州卽漢上艾地也文登陶君甫下車購求州志則梨棗零落煤印模糊於山川之險要形勢之起訖人民之盛衰物產之盈虛暨名公鉅卿忠臣孝子與績學能文美言懿行竒節勝概或缺而不備或煩而無當謀欲

更新以垂永久僉曰此不朽盛業君宜身躬其勞  
顧獨力難成因聘龔進士卯君相與焚油繼晷  
搜遠紹發凡起例別戶分門歷歲日月若干事既  
蒞會陞知淮安府事既成一家言而繡梓有待慨  
自上艾當戰國時干戈相尋無時暇逸沿及後世  
亦難以休息我

國家承平百三十年矣上恬下熙人和物阜凡一邑  
一井之間十里百里之內樸者安耕鑿秀者業詩  
書卽至頭童齒豁鰥寡孤獨暨疲癯殘疾無一不  
得其所下而跂行喙息飛潛動植亦沐太和之化  
而盡其性由是而一州以及區宇莫不踵事而增  
可以參於省志亦可以介於一統志沐膏咏勤繙  
閱雜誦瞭如指掌則州志重輯未始非助

邙隆之治於萬一者也予由太原守  
特授分守冀甯惟日兢兢慮無以仰副

聖主知遇時事府州縣講求吏治以相觀而善若文登  
陶君尤勵精圖治超然特出者矣考州志肇自前  
明延公後爲華亭王氏修輯又二十餘年而陶君

重加增減昔人評新舊唐書事增於前文減於晉  
而劉與歐陽之優劣見矣茲役也集三長去五難  
所謂文直而事核文瞻而事詳者非歟是爲序

州牧王祖康舊序

平定當燕趙秦蜀之衝爲全晉襟喉洵形勝之地  
阨塞之區也其間疆域城池山川關隘戶口田賦  
壇壝公廨秩官選舉人物藝文諸大端均不可以  
無考若夫忠臣孝子義士貞女尤有關於世道人  
心而湮沒無聞不亦大可惜耶此志之不可缺也  
如是歲丁卯秋

簡親王署晉撫邊余入

告調守是邦下車以來曠覽形勢之險要目擊民物之

繁庶按驗土脈之磽瘠察知葭屋之空虛而鮮衣  
美食俗競浮華諄語反唇時聞德色惴惴焉深慮  
無以副

王之望曷以報

天子恩亟欲知郡之利病而調劑之以少盡職守而茫  
乎未有據也及檢舊志爲明萬曆中葉以前事百  
數十年間燭火螢光幾於迹熄撫卷太息者久之

熙朝

聖聖相承重熙累洽制度典章之備因革損益之宜盡  
善盡美迥越前代乃任其散佚無稽可乎哉於是  
搜羅故實採訪遺逸不自知其謗陋謬以編輯爲  
己任簿書之暇挑燈握槩訂訛補闕竊不自安復  
與郡之耆宿英俊互相討論三踰月而藁脫眾咸  
曰志成矣余維志猶史也紀事之書也昔司馬子  
長作史記不虛美不隱惡世稱實錄以故古人論  
史有三長非其人莫或舉也余之學殖荒矣而才  
識又卑下焉烏足以操筆削而愜輿情詎敢曰信  
今而信後乎夫亦使一郡之規模不至蕩然無存

而從政者有所取資焉耳至於是非得失公論在人余何容心耶後之人不以爲可緩而隨時釐訂焉是又余之深願也夫是爲序

山西學政德保舊序

州之舊志成於明萬曆中葉中更天崇迄乎

昭代垂百餘年紀載缺如矣涖茲土者或狃於簿書之鞅掌或迫於更代之無常竭蹶一官修明罔暇此志之所以卒就於荒略也雲間王子來守是邦洞察民物周覽風土慨然於舊志之無徵銳以編摹爲己任曰君子居是邦雖一日必葺其傳舍况以一郡山川人物之所載典章制度之所賅而任其漫無稽考可乎哉於是搜覽舊聞網羅散軼分

門別類而以已意斟酌繁簡之蓋彬彬乎有作者  
之風焉今夫志之重比於史昔龍門撰史記文直  
而事核班孟堅成漢書文贍而事詳論者皆許其  
有良史才志何獨不然王子爲華亭相國之後時  
華亭兄弟皆以文學名家我

朝撰述多出其手故王子博物洽聞原本家學而是  
書出其緒言餘論不難游刃成之蓋其素所自蓄  
積然也夫平定當燕秦蜀三省之衝爲全晉襟喉  
之地而邇者以用兵於蜀羽書旁午尤稱盤錯焉  
王子以一身肆應其間暇輒研鉛握槧訂訛補闕  
不煩將伯而出自一手則其克勤於邦亦於茲可  
見其梗概矣志成以其略請序於余余因述其始  
末以示來茲

州志舊序

明按察司副使 延論 魯緒州人

夫志固自古重之矣昔成周之制職方氏所司以及外史所掌至詳且備兩漢歷歷可攷唐宋輿地圖經三年或閏年一修上之輿地圖經固志類也夫其屢修屢上者豈具文哉所爲昭信垂遠法固不可缺也平定古榆關地州治在萬山中土厚氣完文物彪炳晉東一名區也諸不具論我祖宗朝若耿清惠文恪公皆崛起茲邦人爲國家倚重嗣是代不乏人世廟時賢詰蔚起籍甚臺省者彬彬



後先大都鍾山川之秀發爲忠讜談我三晉人士  
者類與南蒲北代相埒云此詎可無載記以垂不  
朽也逢前輩若栢溪任君後巖白君頗亦採集成  
帙而落茲土者視官爲蓬廬更代無常不暇於志  
之急遂使榆關實錄不少概見迄今世遠言湮幾  
於泯沒而不可考見也閱典甚哉壬辰汝南宋公  
來守吾郡下車銳然興廢舉墜爲我郡人所翹首  
企足一切願罷行者率次第見之行事矣獨有憾  
於郡之文獻不足徵也乃謀諸學博周君繼志王  
君廷對張君子坤不以論爲不肖屬創修之會方  
策蹇而南未遑也比至南中繙閱舊牘而補綴之  
間亦竊附己意稍稍輯而成書將殺青而副之副  
剛氏廼敢僭言曰昔鄭國辭命更稗譭世叔諸賢  
之手方不辱命而孔子亟許之郡事垂二百年來  
漫無稽考所存者僅元左丞土風一記而已卽諸  
賢固未備也論生也晚矧又以寡聞尠見之子當  
諸賢纂輯未備之後曷敢輒以一人操管其間顧  
志不可缺而又重以郡大夫之命遂爾不惜陋劣



歷修州志職名

明萬曆年間

山西太原府平定州知州宋沛  
進士歷任河南按察使副使兵備道延論

國朝乾隆戊辰

山西平定州直隸州知州加一級王祖庚

舉人

張寅

陳世瑛

張震

蔡若采

貢生

劉鍾

張元復

李元正

生員

李占春

王執信

乾隆乙丑

山西平定州知州陞江蘇淮安府知府陶 易

署山西平定州知州事沁州知州姚學瑛

進士 丙 閣 中 書龔敬身

舉人揀選知縣嘉山書院掌 教沈榮勳

舉人原任咸豐縣知 縣陳世瑛

進士 侯 選 知 縣劉樹坊

舉人 侯 選 知 縣李朝鳴

副 貢原任富平縣知 縣郭 信

副 貢 楊春泰

廩 貢原任神池縣知 縣李元正

舉人 李培植 王執璧 石森玉

歲 貢 祁元善 賈 訥

廩 生 李 璽 甄汝礪 楊廷佐

李躍淵 黃煜奎

生員 唐效南 張名揚

乾隆庚戌

特授山西平定州直隸州知州加五級紀錄十次金明源  
誥授朝議大夫原任江西贛州府知府竇忻

賜同進士出身原任安徽泗州直隸州知州張佩芳

歲貢生 楊廷佐 廉貢生 張錦書

廩生 盧來復 李竹 馬念祖

增生 張宗渠

生員 竇油 董執琮 竇陞朝

李鍾萬 白本誠

童生 李道涵

### 續修州志職名

#### 倡修

李少保 原任 禮部侍郎 兼 都察院右副都御史 撫 山西 兼 督 糧 政 印 務 節 制 太 原 城 守 尉 等 處 營 會 國 公 李

#### 鑒定

頭 品 頂 戴 禮 部 右 侍 郎 兼 都 察 院 右 副 都 御 史 山 西 巡 撫 兼 督 糧 政 印 務 節 制 太 原 城 守 尉 衛 榮 光

欽命提督山西全省學政翰林院修撰武英殿協修王仁堪

#### 鑒修

欽命山西等處承宣布政使司布政使加十級紀錄二十次紹 誠

欽加二品銜山西等處提刑按察使司按察使 兼 提 督 糧 政 印 務 節 制 太 原 城 守 尉 傳 事 務 架 級 紀 錄 十 次 松 椿

欽加二品銜尋山西慕濟道管理水利善慶縣知事朱汝濬遂沁平七府加三級紀錄八次王定安

舉修

欽加知府銜 賞戴花翎特授平定直隸州正堂黃真侯陞加五級紀錄十次賴昌期

纂修

欽加知府銜 賞戴花翎特授平定直隸州正堂加五級隨帶加三級紀錄十次張 彬

欽加鹽運使升銜在任候補府絳州直隸州調署平定直隸州正堂隨帶加四級沈晉祥

協修

平定直隸州儒學學正陞蒲州府教授徐 鑑

總理

原任大甯縣教諭道光己亥科舉人劉在涓

內閣中書道光己酉科舉人黃堯臣

分校

試用訓導署甯武府教授劉夢松

郡 庠 增 廣 生 劉硯田

州 同 銜 前 鴻 臚 寺 序 班 寶 志 默

軍 功 六 品 銜 郡 庠 生 李 友 于

六 品 銜 試 用 訓 導 署 太 原 縣 教 諭 張 杰

採訪

六品銜 候銓 縣丞 李志步

舉人 大挑 知縣 張九章

前署甯武府 訓導 趙銘

巡檢 劉官宜

千總 姚雲卿

舉人 張光彥 董善德 李華壽

耿毓梅

副貢 任季箴

歲貢 何夢齡

貢生 馮夢蓮 董繩舒 任衢亨

劉時 李芳林 陳熙載

李臯東 賈登瀛 王惇五

監生 劉噉 劉照南 荆培豐

張圖南 段璋

生員 郭麗都 竇炳章 史蘭皋

蔡彭齡 王拱辰 蔡蓉田

王慕會 侯予唐 張修齡

賈炳言 李慕端 張秉彝

楊澍滋 李榕城 李懷智

周景庚 崔衡莊 郭經承

齊以禮 王同書 唐子齡

賈聯元 王登瀛 余長慶

任德裕 劉煥斗 王縉卿

史鴻藻 石培桂 鄭蘭庭

石登元

武生 耿向辰

童生 傅寶鏡

繕寫

生員 耿豐五 白楨 丁佳培

賈傳祿

童生 楊步墀 白文通 劉遇巽

繪圖

翰林院待詔 延桐



平定州志繪圖

圖考志

圖與籍必相附而傳鄴侯入關先收圖籍馬援西域還聚米爲山李恂使幽州圖寫山川屯田聚落以奏蓋使封圻之遠近形勢之險易歸諸尺幅一覽瞭然無異目之所覩足之所歷矣州之境域城廓學校試院公廨備具諸圖其關隘之扼要鄉都之羅布巖谷之靈秀亦一一繪之則一郡之規模庶可按圖而索乎志圖考



州境山川圖



樂平山川圖








州城圖

東


西



樂平鄉城圖



北

東






州學宮圖




樂平鄉學宮圖

五定州志

東




西



州治圖

平定州

雲機



北

堂

學國軒


堂

吏目署



兵刑工

門

州判署



樂平鄉治圖



西

東

固關圖



娘子關圖



南天門

勝水寺



黑砂嶺圖

義井村



嘉山圖





冠山圖



夫子洞

文昌閣

仰止亭

武岡閣

福壽寺

栢井鎮圖



西天門

八覺坂

栢井鎮

韓信寨



乙亥州志

承天董寨圖



承天寨



東浮山圖



西浮山圖



例言

一州志向有延王陶三志體制紀載互有異同自乾隆五十一年蔡金二公重修勒爲九志三十八門體例更爲詳備此次原係續修所有一切體裁皆以金志爲宗其有因革損益與前不同者詳稽備載以資考證

一志以傳後不可略亦不可濫此次續修凡前志之考核精確者皆仍其舊間有一二譌舛者則正之遺漏者則補之至各類採訪務須確實方敢收

錄若道路傳聞事涉荒誕者概從儉收

一學校舊志惟序殿廡方向門坊位置而於先賢先儒從祀年號位次概未叙明今謹遵

文廟祀位圖一一備載並樂器舞儀數目節次皆爲詳記令閱者知所考據云

一義行舊志寥寥無幾似有深求完行之意然善善從長人難求備茲分爲八門以類相從不溢美亦不掩善廣爲收錄以資觀感

一我

國朝德洋恩溥科目外多有例仕捐職議叙近因多故之秋捐職議叙不可勝紀今例仕惟出仕者收錄至於捐職議叙前志已收者未敢輕刪後者概從儉收不特慎重名器且以免掛一漏萬之譏焉

一文藝舊志所收無多而檢王陶二志其可傳可誦之文正復不少茲於二志中擇其尤精與後賢之著作有關風土者補錄而並收之

一山川祠廟舊志祇言在州何方去城幾里而錯列不以類從茲以四正四隅隨方分別紀載令觀

者一目瞭然

一形勢舊志祇言地而未繪圖豈知險阨之區必  
觀其形乃識其要茲於舊關固關娘子關柏井鎮  
南天門各繪一冊至於環州皆山巒於編繪惟擇  
其名勝者繪之使居守者知形勢之大略云

一物產多各處所同祥異非一州獨被紛收博紀  
似近好奇茲物產擇其重要祥異以所稟報者載  
入餘若一花一木災異未深者概不登錄

一金志合三縣爲一志以符直隸州之體此次續  
修係各郡縣通奉

憲命各修其志茲以州志上陳附樂平而闕孟壽  
非刪也樂平改鄉應附州志且其新藁先已到州  
至孟壽一縣尚未脫藁無從採擇久待未免稽遲  
擬於縣志告竣後再爲採輯附諸卷末庶幾詳略  
適宜亦不失前志之體例焉

平定州志目錄

卷之首

序

職名

繪圖

例言

目錄

卷之一

御製志

御製詩

星野志

星野 有圖



卷之二

輿地志

沿革

疆域

山川

附水利

都郵

卷之三

建置志

上

城池

附國梁

公廨

壇廟

附寺觀

營制

附兵事

驛鋪

卷之四

建置志

下

學校

附書院  
義學

卷之五

食貨志

戶口

賦役

附稅課

倉儲

附社倉義  
倉草豆

鹽法

物產

風土

附歲時  
禮儀

祥異

卷之六

職官志

題名

政蹟

卷之七

選舉志

薦辟

科目 附各貢例仕

封廕

卷之八

人物志 上

忠烈

孝友 附義行 宦績

儒林 附文苑 隱逸

流寓

方技 附仙釋

卷之九

人物志 下

列女

卷之十

藝文志 上

書目

藝文 各體文

卷之十一

藝文 上 各體文

卷之十二

藝文 中 各體文

卷之十三

藝文 中 各體詩

卷之十四 附樂平

藝文 各體文

卷之十五 附樂平

藝文 各體詩

卷之十六

雜志

古蹟

邱墓

坊表

拾遺

平定州志卷一

御製

聖祖仁皇帝御製詩

過固關

烏道入雲中  
風光塞漠同  
人依險地立  
城自越山  
叢俗樸觀  
民舍才多壯  
士雄芹泉  
連冀北  
回首指  
青驄

過平定州

勞農豈憚元英節  
寒景風沙透體來  
誌有鵲山無

覓處目前惟見凍雲迴

賜平定州知州 臣 劉孚嘉

禁園秋霽

樹冷催蟬咽荷疏表影長  
深秋殘暑氣微爽待高  
陽戶外遠塵蹟園中多  
蕙香溶溶新雨霽吟乏  
愧成章

賜樂平縣知縣 臣 馬光

途次逢寒食

何處來春風淡蕩開晴旭  
不見杏花紅纔逢柳梢

綠

聖祖仁皇帝御書

賜孟縣知縣 臣 俞欽

欲向江東去定將誰舉杯  
稽山無賀老却掉酒船

回 錄唐詩

賜壽陽縣知縣 臣 劉應熙

春山繞運蘆白雲降幽戶  
卒歲聊自娛時人莫留

顧 錄朱子詩

固關自昔稱爲險  
要西至平定皆行巖谷中

聖祖西巡時幸此其山川之曲折民俗之樸鄙風光之異態無一不在

睿照之中而形諸天章惻然如傷蓋

聖祖之憂勞我民爲已至矣距今且八十餘年而謳思不忘有以也謹錄以冠志首豈第一時之幸亦以爲萬世景仰云爾

平定州知州臣金明源敬輯

### 星野志

天道悠遠難知往往存而不論然周禮保章氏以星土辨九州之地則分野其首重矣平定爲太原東境太原古唐國後改名晉考之春秋參爲晉星而後人又謂唐叔始封之晉在翼去太原六百餘里則平定去翼幾千里非唐之東境矣三家分晉後太原平定俱屬趙漢晉諸志皆言趙地昴畢之分野則又以地里之遠近規天象之度躔也王陶舊志皆主其說而金志考核詳明似仍以太原爲

始封之唐主參爲是今於備列諸載外仍實論  
爲宗而附王陶二公之論於後以待深知天文者  
參考取決焉

周禮保章氏以星土辨九州之地所封封界皆有  
分星以觀妖祥註鄭司農曰春秋傳曰參爲晉星  
鄭康成曰實沈晉也國語實沈之虛晉人是居  
帝王世紀自畢十二度至東井十五度實沈之次  
今晉魏分野

史記天官書昴畢冀州

前漢地理志魏晉參之分

又趙地昴畢之分野

晉志自畢十二度至東井十五度爲實沈于辰在  
申魏之分野

唐志晉屬參伐實沈之次也申初起畢十度中參  
七度終井十二度其分野得漢河東郡及上黨

澤潞太原盡西河之地皆實沈分也故殷河東盡

大夏之墟上黨次居下流與趙魏相接爲晉之

分按唐地理志武德三年分并州之樂平順平

城石艾置州治樂平先天元年改爲儀州

春秋元命苞昴畢開爲天街散爲冀州分爲趙國  
明志畢七度至井八度屬晉分并州山西太原府  
參分實沈之次石忻代平定保德崞嵐六州平陽  
府皆參分

金志論曰星土之說由來舊矣近代纂郡縣志者  
或以地里沿革分合不齊難以各符保章氏星土  
之義削而不書或書之而體侗皮傅不能按據真  
實二者交議清類天文書云山西太原府石忻代  
平定保德崞嵐六州平陽府皆參分其考據精且

當矣王志渾指參井昴畢固爲拉雜陶志去參井  
而泥昴畢尤爲蒙混蓋惑於顧炎武之說謂平定  
非唐之東境耳考左氏內傳后帝遷實沈於大夏  
主參唐人是因杜預注唐在太原晉陽左氏外傳  
實沈之虛晉人是居史記晉世家封叔虞於唐唐  
在河汾之東世本唐叔居鄂宋忠曰鄂地今在大  
夏大夏者晉陽也前漢書地里志太原郡晉陽縣  
荀悅服虔應劭伏巖等注云故詩唐國周成王滅  
唐封弟叔虞龍山在西北晉水所出刺史治注云



毛詩譜曰堯始都此後遷河東平陽酈道元水經注云晉陽縣故唐國周成王以唐滅封叔虞於唐縣有晉水後改名晉此晉也而謂之唐有堯之遺風也魏地形記晉水亦云然括地志雖有故唐城在絳州翼城縣西二十里之說而又云故唐城在并州晉陽縣北二里則已自改前說矣蓋漢魏晉六朝隋唐人遞相祖述之言是以山西通志星土亦據左傳漢志而曰唐有晉水參爲晉星蓋太原晉陽以參宿爲主此平定爲唐東境而亦以參爲分野也顧炎武盡翻前說獨執服虔大夏在汾澮之間一語而疑唐叔之封以迄侯緡之滅並在於翼泥於括地志前說故唐城在翼城縣西二十里云云此直將漢魏以來遞相祖述之言一齊抹煞矣然已有同時太原閻若璩所駁云晉世家叔虞封於唐百里其子燮以晉陽晉水改爲晉晉孫成侯徙曲沃八世孫穆侯徙絳不知何代徙翼昭侯封成師於曲沃曲沃大於所都翼入春秋六年晉遷翼侯納諸鄂謂之鄂侯鄂索隱云今在大夏大

夏者吾鄉太原縣也又後十三年曲沃滅翼王立  
哀侯之弟緝于晉晉亦太原縣太原至翼城亦百  
五十里中道必由介休當日盡屬晉方得兩侯分  
立顧氏說非是又水經注云經書晉荀吳敗狄於  
大鹵杜預曰大鹵晉陽也通典亦云大鹵卽太原  
晉陽縣也晉大鹵太原大夏參虛晉陽六名其實  
一也後人誤認晉之始終在平陽府一語則晉水  
無着落而星土之說謬宜矣平陽府有平水水經  
注云出平陽壺口山俗以爲晉水非也太原爲晉

陽爲唐之始封後爲趙所有則平定爲唐東境固  
自有據孟縣樂平壽陽舊志屬太原府今屬平定  
州與太原平定同主於參無論矣

王志按平定禹貢冀州之域戰國時分晉屬趙秦  
屬太原圖書編云太原參井分野晉志云太原入  
東井二十九度漢馬融日食上封事曰參居兌位  
屬西方據此則太原西南之州縣當屬參平定居  
太原之東當屬井然地屬趙分星野之次其在昴  
畢之間乎舊志以郡屬太原泥於參井分野之說


故兼言之今備採諸書參以管蠡以俟精於推步者考驗云

陶志天官家言杏渺難憑天土不能覈隸首不能算也自左氏內傳謂后帝遷實沈於大夏主參唐人是因故參爲晉星後人主其說於是前明之纂一統志者則謂太原禹貢冀州之域天文參井分野圖書編則謂山西諸郡太原參井分野併爲一談牢不可破不知天象遠而難稽地理則鑿然可據者左氏傳曰命以唐誥而封於夏虛服虔云大

夏在汾澮之間考春秋時晉國本都翼在今之翼城縣其後武公滅翼代爲晉侯都曲沃在今聞喜縣其子獻公城絳居之在今太平縣之南絳州之北六傳而至景公遷於新田在今曲沃縣總之皆不離夏虛所謂汾澮二水之間是也北距晉陽七百餘里唐叔始封及春秋悼公以前之晉非今日所謂太原之晉也何得遂以大夏之實沈當今日全晉之分宿乎蓋霍山以北自悼公後始開縣邑前此不見於傳平定襄遼中山戰國時始隸晉疆

其必不可屬參明甚竊意左氏所謂參為晉星乃唐叔始封春秋自武至靜建國之晉也漢地里志所謂趙地昴畢之分乃自春秋悼公始闢戰國趙籍所分今日霍山以北之晉也舊志有統舉參井昴畢四星言之者乃今日九府十州全省之晉也昴畢之分所屬固不止平定而平定斷不出昴畢二星之外故削去前此參井紛紛之說而列昴畢二圖於右以資考覈云

參星圖



東

南

北

西


甘氏曰參爲忠良孝謹之子明大則臣忠子孝安  
吉

丹元子步天歌曰總有十星觜相侵兩肩雙足三  
爲心伐有三星足裏深玉井四星右足陰屏星兩  
扇井南襟軍井四星屏上吟左足下四天厠臨厠  
下一物天屎沉

參十星一曰參伐一曰大辰一曰天市一曰鈇鉞  
主斬刈又爲天獄主殺伐又主權衡所以平理也  
又主邊城爲九譯故不欲其動也其中三星橫列

三將也東北曰左肩主左將西北曰右肩主右將  
東南曰左足主後將軍西南曰右足主偏將軍七  
將皆明則天下兵精也中央三小星曰伐天之都  
尉也主鮮卑屬國不欲其明也玉井四星在參右  
足下水象也主水泉以給厨用軍井四星在玉井  
東下軍營之井也以給軍饗屏二星在玉井南所  
以障閉天厠也天厠四星在參星左足下色黃而  
明則吉天屎一星在天厠下色黃則吉

昂星圖



日月



昂星

九


丹元子步天歌

七星一聚實不少阿西月東各一星阿下五黃天  
陰名陰下六烏芻藁營營南十六天苑形河中六  
星名卷舌舌下黑點天讒星礪石舌旁斜四丁

宋天文志躔度云昴七星距西南星去極七十度  
天阿一星去極六十六度入胃宿十度月一星去  
極七十一度半入昴宿五度天陰五星距西星去  
極七十五度半入胃宿七度天苑十六星距東北  
星去極一百七度半入昴宿七度半芻藁六星距

西行中星去極一百八度入婁宿十一度卷舌六  
星去極五十三度入昴宿初度天讒一星去極六  
十一度半入昴宿半度礪石四星距南第二星去  
極六十五度入昴宿六度

畢星圖



丹元子步天歌

恰似瓜叉八星出附耳畢股一星光天街兩星畢  
 背旁天節畢下入烏幢畢上橫列六諸王王下四  
 皂天高星節下團圓九州城畢口斜對五車口車  
 有三柱任縱橫車中五個天潢精潢畔咸池三黑  
 星天關一星車脚邊參旗九個參車間旗下直間  
 九斿連斿下十三烏天園九斿天園參脚邊  
 宋天文志躔度云畢入星距右股第一星去極七  
 十五度天街二星距南星去極七十一度入昴宿



十度附耳一星去極七十七度入畢宿二度天高  
八星距北星去極八十度半入畢宿二度諸玉六  
星距西星去極七十度入畢宿三度天高四星距  
東星去極七十四度半入畢宿六度五車五星三  
柱九星距大星去極四十七度半入畢宿七度半  
天潢五星距西北星去極五十八度入畢宿十一  
度咸池三星距南星去極五十一度入畢宿十一  
度半天闕一星去極七十一度半入觜宿初度參  
旗九星距南第一星大星去極八十七度入畢宿  
六度九旂九星距南星去極一百一十三度入畢  
宿十二度天園十三星去極一百二十四度入畢  
宿五度



